



www.khiv.ru/pressa

АКУ ХЯД

Светлая звезда

Хив райондин жямаятдинна сиясатдин газет

№ 45(5603)

11-пи ноябрь, 2019-пи йис

Газет гыфтайш сабан удубчівура

Кыमत 3 манатна 68 кепек



Райондин
администрацияйиъ

«Хивский район» МО-йин администрацияйин коллегияйин заседанийин гыакынаан мялумат

2019-пи йисан 1-пи ноябрь райадминистрацияйин актовый зальи «Хивский район» МО-йин администрацияйин коллегияйин заседание гыабхыну. Дидин пяхны гыуларин поселенйирин главйири, муниципальный райондин администрацияйин отделарин начальники, СПК-йирин

Кучувди доклад гыапну. Докладдин зин «сельсовет Ургинский» гыулан поселенийин администрацияйин глава Расим Гаджиагаев гыулху.

Кыюбпи месэлайиан райадминистрацияйин финансарин ва налогарин отделин начальник Абдулгамид Беговди доклад гыапну.



руководители иштирак гыапну.

Заседание «Хивский район» МО-йин администрацияйин глава Ярмет Ярметовди ачмиш гыапну ва кылира гыубху.

Заседаниейин гыал апбан бадали йигандин повесткайик исихъ хъайи месэлайири кайи:

1. Мягсулар уч апбан натижйир, алафар гыазур апуб ва кыурдун шартариъ мал-кыара уьбхына гыулан мяшатдин товарар гыасил апурайи ксар гыазур вуйиваликан.

2. Муниципальный райондин ва гыуларин поселенйирин 2019-пи йисандин 9 вазлин бюджет тамам апбан.

3. Жюрбежор месэлайири.

Сабли месэлайиан муниципальный жилин позчивалин, жилин аылакыйрин ва гыулан мяшатдин отделин начальник Байрамбет

Докладдин зин «сельсовет Хореджский» гыулан поселенийин администрацияйин глава Ярахмед Салимов ва райадминистрацияйин гыулан мяшатдин отделин начальник Байрамбет Кучув гыулху.

Шубубпи месэлайиан гыулху Хив ва Агыл районарин военный комиссар Пирмагомед Кубачевди цийин чвлин призывдин вахтна призывной комиссияйиз гыюб лазим вуйи 830 касдикан комиссияйиз гыафидар 130 кас вуйиваликан, гыелелиг 33 кас армияйин жергйириз гыънаиваликан, призывникар призывной комиссияйиз гыювал тешкил апбаъ гыуларин ВУС-арин (военный учетдин столарин) начальникарин заифваликан гыапну.

Заседаниейин гыал гыапну сабли месэлайиан тялукъ вуйи кыарар кыбул гыапну.

Пресс-центр.

Машквриз тялукъ вуйи серенжем

2019-пи йисан 1-пи ноябрь райондин культурно-досуговой центрийн актовый зальи халкыдин сативалин Йигандин машквриз тялукъ вуйи серенжем кыли гыубху.

гысабнаан вуди ихь республикайизра хас ву.

Ухуыз агыахыузки, 15-пи сентябрь уху кыайд апурайи Дагъустандин халкыарин сабвалин



Му серенжемди администрацияйин ва жара идарйирин руководители, гыуллугчыири, Хиварин ва райондин гизаф гыуларин агыалири иштирак гыапну.

Серенжем ачмиш апбалан кыляхъ, улхан бадали гаф «Хивский район» МО-йин администрацияйин глава Ярмет Ярметовди тувну. Чан улхариъ дугу гыапну: «Багъа вуйи дустар, багъа вуйи Хив райондин агыалири, халкыдин сабвалин Йигандин машквар чакъ гизаф аьсрарин тарих хъайи ваританна жигыл машквар ву. 1612-йи йисан 4-пи ноябрь ихь ата-бабийрихъан чпин социальный статусариз, чпи хъапрайи диндиз дилинди, сати хуз ва Московский Кремль Польшайин чпхунчйирихъан азад апуз гыахыну.

Му йиган уху халкыдин сабвалин важибувалин гыавриъ ужуйи ахъраху. Уху жвуван гыударствойин халкъ вухъа. Миллетдилан ва хъапрайи диндилан асиллу дарди, уху вари сати хизан вухъа.

Кыуз кундазузки, мицисдар мисалар вари улкйириз, гыадму

Йигандин машкврин тарихра гыациб ву, фицики Дагъустандина Ирандин чпхунчйир алжагыган Дагъустандин вари халкыар сати гыахныири ва Надир-шахдин кышмар Дагъустандин гьергну гыагъюз мажбур гыапнийи. Мицисдар мисалар Ватандин Ахю дяддин йисарин тарихдианна хуз шулу.

Россия гыаммишан Ватан уьбхан бадали халкыар сати хъупан аьдатаринди кыуватпуб ву. Уху ихь улкйин кыудратлувалин, халкыарин сабвалин инанмиш вухъа.

Гыт ихь улкйири гыаммишан ислягвал, мяслагвал ибшри!

Горматлу дустар, учуыз ва ихь райондин, республикайин вари агыалириз халкыдин сабвалин машквар мубарак апураза. Гыт варидарин хулары ислягвал, мулагвал, мяслагвал, ляхнари хуркыувалар ишри!»

Шадавлин серенжемдин аьхирйи зализ уч духнаидариз райондин культурно-досуговой центрийн гыуллугчыирин кюемкнинди тешкил дапнайи концерт тувну.

Р.Балабеков.

Москвайиъ Красный площадин 1941-пи йисан 7-пи ноябрьи дяддин парад

1941-пи йисан 7-пи ноябрьи Москвайин Красный площадин кыли гыубш дяддин парадди улкйин мярифатдин рюг за апбаъ, дюн йииз Москва душмандихъан мютлюг апуз даршлувал ва армияйин женган рюг мюгкамуб вуйивал улупбаъ ахю роль уйнамиш гыапну. Му парад 1941-1945-пи йисарин Ватандин Ахю дяддин йисарин сабли парад вуйи.

1941-пи йисандин чвлинган ихь меркездин багарихъ улкйин кыадаркысмет гыал апурайи. Гыадму вахтна советарин эскрари фашистарин кыуш-

марихъди гыагы женгар гыахурайи. Бязи йишварин фронтдин цар шагьрин центрийнхан 30 километрийн манзилнаъ ерлешмиш шулайи.

Гыамциб агывалат арайиз дуфнайи вахтна СССР-ин гыударствойи, советарин халкыдин мярифатдин рюг мюгкам апбан бадали, парад кыли гыабхан кыарар кыбул гыапну.

6-пи ноябрьи, «Маяковская» метройин станцияйин кыли гыубшу торжественный заседание ккудубкыбси, Верховный

(Ахыр 2-пи машинаъ)

Москвайиъ Красный площаддин 1941-пи йисан 7-пи ноябриъ дявдин парад

(Эвел 1-пи машинаъ)

главнокомандующий Иосиф Сталинди высший партийный руководительиз Красный площаддин кышмарин парад башламиш апбан вахтнан мялум гьалпу. Парадди иштирак апура частарин командирариз му ляхнин гьякнаан йишвандин саят 11-диль мялум гьябхну, хьа Красный площаддина теклиф апурайи зегметкешариз парад клули гьабхруваликан 7-пи ноябриъ



гвачнин саят 5-дилан хабар гьалпу. Хатасузвал уьхбан серенжемарра гизаф клули гьухну. Парад башламиш апура вахт аьдат вуйи саят 10-дилан саят 8-дина гьабхний.

Му йигьан Германияйин авиацияи Москвайиина бомбар эрчуб мумкин вуйвал фикриз гьадабгьну, советарин дявдинна гьавайин кувватари душмандин аэродромариз йивури гьахну.

6-пи ноябриъ дявдин метеорологари 7-пи ноябриъ Москвайиъ пис миклар хьивну, гьати йифар ургьуваликан хабар тувний.

Машкврин йигьан майдандина гьич саб самолета адабхундай. Парад уьхбан бадали фронтдин 550 истребитель Москвайин багарихна гьитибхний. Хьа йигьан хабар тувиганси, Москва шагьрин багарих 6-пи истребительный корпусдин ва Москвайин ПВО-йин зенитчикарин кувватариинди немцарин 34 самолет эрчийи.

7-пи ноябриъ гвачнин саят миржиб тамам хьуз йицуб дакьика ккимиди мавзолейин трибунайхна Сталин ва Москвайиъ гьузнайи советарин гьюкуматдин членар за гьахний. Саят миржибди диктори вари громкоговоритарин Красный

площаддин Аьжо Октябрин социалистический революцияйин 24 йис тамам хьуапз тьялукь вуйи Уру Армияйин частарин парад башламиш апурайиваликан хабар тувний.

Парадди команда туврайир меркездин гарнизондин начальник генерал-лейтенант Павел Артемьев, парад кьабул апурайир Советарин Союздин маршал Семен Буденный вуйи.

Саят 8-диль Кремлейин Спасский башняйин урнарин гьайвниинди Буденный удучвийи. Параддин командующийи рапорт тувбалан кьялях ва кышмарилан илтиклбалан кьялях кышмарихна ва уьлкейин халкьдихна оборонайин Государственный комитетдин председатель, Верховный Главнокомандующийи ва СССР-ин оборонайин нарком Иосиф Сталин илтиклну. Дугь Москвайин багарих вуйи женгарих ихь кышмари гьазанмиш гьалпу бязи хьуркьуваликан хабар тувну. Фашистарихан ихь меркез гьадабгьуз дархьиваликан гьалпу.

Красный площаддин кышмарин торжественный марш артиллерийский училищейин курсантари ачмиш гьалпу.

Парадди вари сабишвлан гьадагьган саки 28,5 агьур касди, 16 тачанкири, 296 пулеметари, 18 минометари, 12 зенитный пулеметари, 140 артиллерийский орудийи, 160 танкари иштирак гьалпу. Писди йиф уьгьурайивализ, микл хьивнайивализ ва ужуи дьярбькьрайивализ лигну авиацияи парадди иштирак гьалпундар.

Бязи подразделенийи параддин фронтди гьягьорайи.

1941-пи йисандин дявдин парадди советарин халкьдин мярифатдин рюгь мяюгкам апбаз, душмандин кышмарик гьалабалугь кипбаз мумкинвал тувну.

Дявдин парад 1941-пи йисан 7-пи ноябриъ Ставкайин кьарарининди наинки Москвайиъ, гьацара Куйбышевдиъра (гьамусдин Самара) ва Воронеждиъра клули гьубшну.

Дявдин йисари дявдин парадар сарун клули гьухундай, ихь кышмар Красный площаддин анжагь 1945-пи йисан майин вазли гьушний.

Интервью

Пенсияйикан аьгьувалар



Цийи саягьнинди пенсийир дюзмиш апбакан ихь халкьдиз

аьгьувалар цитбди айивализ лигну ва

(Аьхур 4-пи машинаъ)

Интервью Райондин рьякьарин гьайгьушнаъ

Халкьдин мисалнаъ клурайиганси, рьякьар яшайишдин дьамар ву, фицики гьийин дьеври гьуларихьди-шагьрарихьди вуйи экономикайинна-социальный, халкьдин мяишаддин аьлакьйир яркьу ва дерин, автотранспортдин кьадар артухь шула. Гьелбетда, лазим кьайдайик ккайи рьякьарилан агьайлирин сагьламвалла, уьмрин архивалла гизаф асиллу ву. Гьамциб аьгьвалатну рьякьар кьайдайикна хуб, рьякьар кьайдайик ккади уьбхуб лап чарасуз ляхин вуйвал сабансан ражари тасдикь апура.

Гьаму улихьнаси «Хивское ДЕП №38» ОАО-йин кулин инженер Файд Ибрагимовдихьди гьорюшмиш гьахьунза ва дугькан чпин карханайин коллективди райондин аьтрафарин али рьякьар кьайдайикна хупан ва дурар кьайдайик ккади уьрхбан бадали клули гьахурайи ляхнарикан жикьиди ктитуб ккун гьалпунза. Исихь дугьан интервью

гьуларь айи ва республикайин мянаметлеб айи ихь райондик кахьрайи рьякьарин гьар йисан зиихь узу кулунхай ляхнар тамам апурача. Саки гьар йигьан ил работничар рьякьарин жорбежур ляхнар тамам апури шулу.

Хив райондин автотранспортдин рьякьар лазим кьайдайикди уьрхбан бадали «Дагавтордор» ччур али ГКУ-йи 2019-пи йисаз исихь хьайи кьадар пулин дакьатар жара апувал улупначуз: республикайин мянаметлеб айи «Мамраш-Ташкапур-Араканский гьяд» рьякьон 27-пи километрийхна 45 километрийхна вуйи ара кьайдайик гьитбтан бадали 2, 857 миллион манат, «Дербент-Хучни-Хив» рьякьон 18,5 километр бадали 2, 741 миллион манат, райондин гьуларин рьякьар бадали 5,117 миллион манат. Дупну кьундуки, цийин йисан рьякьар кьайдайик ккади уьрхбан бадали республикайин учухна пулин дакьатар вахт-вахтна хьтапура, маважибар тувбаъра улихьдиси энгенвалар шуладар.



чап апурача.

«Ихь райондин аьтрафарин ич коллективди вари сабишвлан гьадагьган 133,5 километрийн рьякьариз гьуллугь апулб лазим ву. Думу рьякьарин 97 километрийн рьякьар райондин гьуларий ерлешмиш духьнайидар, хьа имбуну 18 километрийн «Мамраш-Ташкапур-Араканский гьяд» рьякь ва 18,5 километрийн «Дербент-Хучни-Хив» рьякь республикайин метлеб айидар ву.

Ич карханайин асас вазифа рьякьарихь дорожный знакар урсбакан, дурариз ва сигнальный столбикариз шир йивбакан, гьадарин перильный огражденийриз, ОПТ-йирин (ограждения парапетного типа) блокариз шир йивбакан, лазим йишварин ОПТ-йин цийи блокар дивбакан, асфальтно-бетонный рьякьарин ямочный ремонтар апбакан, пешеходный переходариз ва искусственный неровностариз шир йивбакан, рьякьарин гьырагьар, гравильный авторьякьар планировка апбакан, думу рьякьар лазим кьайдайиз хулкан, сигнальный столбикар урсбакан, кьордун шартларь рьякьар лазим кьайдайь уьрхбакан ва жара ляхнар апбакан ибарат ву.

Кьайд апулб лазим вуки, Хурсатил, Атрик, Ляхлаан Уртлила вуйи, Гарик, Яргил гьуларин рьякьариз гьуллугь апулб ич вазирайик кахьрадар. Думу гьуларин рьякьариз гьуллугь апувал тьялукь гьуларин поселенийин администрациярин вазифа ву. Райондин имбуну

Рьякьариз гьуллугь апбан бадали лазим вуйи техникара ачуз.

2019-2020-пи йисарин чвлинна-кьордун вахтна рьякьар лазим кьайдайик ккади уьрхбан бадали гьамусмиди кьатI и серенжемар кьабул апурача. Вари техника расди а, 5 тонн технический кьыл, 50 кубометр гьюлин кьум гьязурди йиш ин алич ва 15 тонн технический кьыл, 150 кубометр гьюлин кьум заказра тувнача. Лазим кьадар кьордун дизельный топливойихьдира тяминди вуча. Чвлинна-кьордун вахтна рьякьарин читин участокариз гьуллугь апбан бадали 7 кас работчий вахтнинди ляхниина кьабул апури шулча.

Ииз улхьарин аьхириъ ич коллективдин бязи клакначийрин ччурарра ктухуз ккундазуз. Члиз табшурмиш гьалпу ляхнар марцивалиинди, уьуб ери ади, вахт-вахтна тамам апурайидарикан вуди КамаЗ машиндин водитель Рамис Манасов, экскаваторщик Ханмагомед Касумов, работчий вуйи Замутдин Рамазанов, Уружбег Эмиров, рьякьарин мастер Мирзамагомед Султанов ва жарадар улупуз шулу.

Гьит ихь райондин аьтрафарин улакьар илар апурайи ва ягьди гьягьорайи варидариз ягьурлу, хатасуз рьякьар шир, хьа ич коллектив рьякьариз гьяракатнаъ айидариз уьудар шартар тешикл апбаз гелегедьдира чалишмиш шувалиинди шак алдар».

-Интервью тувбаз чухсагьул, Файд Зулфикарович.

Р. Балабеков.

Пенсияйикан аьгьювалар

(Эвел 2-пи машина)

ийз терефнаанра жорбежор сулар айваллиз лигну, мажбур гьахуьну их райондин пенсионный фонднан отделин начальник Герман Асваровдихан интервью гьадабгуьз.

- Герман Асварович, ихь Ватандин гьюкму дигиш шпан кьяляхь хайлин ляхнар ужвлахьинди гьушну, аммаки а варидарин пай кайи, зьяя гьап1у ляхнарра. Дурарикан саб, заводар, фабрикар Ватандин улихь - к1улихь хьайидар тахсир вуди ккедерчуб ва вари халкь ляхнарихьан шуб, кьюб гьапиб, гьаддилан асиллу вуди пенсияйиз гьагьру яшар за ап1уб. Гьаз ихь Ватандиь пенсияйиз гьагьру яшар жилариз 65, хупариз 60 йис гьап1у?

- Ав, уву к1уруганси - гьаддилан асиллу вуди - к1уру гафарихьна гьорхьа. Пенсия гьадабгьурайидарт1ан ляхин ап1урайидар ц1ибт1ан артухьди дар. Россияйиь страховая пенсия гьадабгьурайидар 40 миллион пенсионерар ву, хьа страховой взносар турви ихь Россияйиь ляхин ап1урайидар 53,6 миллион кас ву. Гьаму ляхин ап1урайидарилан гьагьгюрайиь взносар, пенсия гьадабгьурайидариз, инфляцияйихьди думу за ап1уруси гьубк1раддар. Пенсионерар артухь шула, ляхин ап1урайидар-ц1иб. Ав, инсанариз ляхнар адруваллилан думу аьгьвалат хайлин

асиллу шула.
- Ц1ийи саягьаринди пенсияйиз удуч1вбахьди ихь инсанар вари танишди вуйин?

- Ваь, вари танишди дар, вари таниш ап1бан бадали, халкьдин арайиь хайлинди ляхин дубхну ккунду. Китабар, газетар, телевидениейлан гьайри, халкьдихьди жорбежор жара жорейин ляхнарра дурхну ккунду. Гьаддиз гьулариз гьагьгюри, жамьятарихьди гьаврикк кьабьан ляхнар гьахурача.

- Ци, 2019 - пи йисан пенсияйиз гьагьгюрайидариз варит1ан ц1ибди вуди, фукьан ляхнин стаж ади ккунду?

- 2019 - пи йисан - 10 йис, 2020 - пи йисан - 11 йис. Гьадушвахьантина гьар йисан сад йис иливур. Кюгьне вахтариси дарди, гьамусдин пенсия, жвуву гьазанмиш гьап1у коэффициентарин кьадарарилан дюзмиш шулайиь ву.

2019 - пи йисан ади ккунду, варит1ан ц1ибди вуди 16,2 ва 2020 - пи йисан 18,6 коэффициент. Гьадушвлан зина, гьар йисан чан кьадар иливур гьагьгюра ва 2025 - пи йисазди коэффициентарин кьадар 30 шулу. Пенсия аьхюб шпан бадали, аьхю стаж ади ккунду. Фукьанди стаж аьхюб вуш, гьадмукьан пенсияра аьхюб шулу.

- Коэффициент - к1урудар, сад йисан сар ляхниь аий

касдихьан швнуб гьазанмиш ап1узу шулу ва саб коэффициентдин кьимат фукьан вуди шулу?

Месела вуди пуз шулу: эгер яв маважиб вазли 30 агьзур манат вуш - 3,13 коэффициент гьазанмиш ап1узу шулу. Саб коэффициентдин кьиматра 2019 - пи йисан 1-пи январихьан - 87,24 манат шула.

-Узу укван т1алаб гьап1иш, гьаври ккауз шулнухьан фици коэффициент адан1уруш ва йиз пенсия фукьануб шулуш?

-Саб читивапра адарди. (Дитну чан гьвалахь гьаврикк ккаьра.)

Ихь гьюкуматдиь 2019 - пи йисан, варит1ан заан маважиб вуди пенсия туьз, гьисаб ап1ура 1150000 манат. Мидлан зина вуйи пул пенсияйин гьисабназ гьагьгюри адар.

Гьаму 1150000 манат зарб ап1урахьа 16% = 184000 манат.

30000 агьзур маважиб зарб ап1урахьа 12 вазлихьди = 360000 манат.

Страховой взносарин кьадар - 22% ву - ухь ляхин ап1ури айишван турвайиь.

360000 зарб ап1урахьа 22% = 79200 манат.

79200 - дикан 16% = 57600 манат - имбуну 6% гьагьгюра фиксированная часть к1урушваз.

Аьхириз гьубзрайи 57600 : 184000 = 0,313.

0,313 зарб ап1урахьа 10 - дихьди = 3,13 - гьаму ву яв 30000 -

агьзур манат маважибдина гьюрайиь коэффициент.

Коэффициентдин кьадар вуйи 3,13 зарб ап1урахьа уву гьилиху 37 йисахьди = 115,81.

115,81 зарб ап1урахьа саб коэффициентдин кьимат вуйи 87,24 манатдихьди = 10103,26 манат - гьаму ву яв маважибдикан страховой взносариз ктабгьурайи 22% - дикан 16% - диз гьюрайи пул кьадар, гьубзрахьуз 6% - фиксированная часть к1уруб. Думу 2019 - пи йисан 5334,26 манат ву.

10103,26 + 5334,19 манат = 15437,45 манат. Гьаму ву увуз удубч1вурайи пенсия.

Пенсионная формула к1уруб а. Ухьуз удуч1ву коэффициентар, зарб ап1урахьа саб коэффициентдин кьиматнахьди ва удубч1вурдин иливурхьа фиксированная выплата к1уруб - удубч1вур ухьуз гьюрайи пенсия.

-Чухсагьул, Герман Асварович, интервью тутлеб, гьыйин сюгьбатнан метлеб, пенсияйиз гьагьгю имбудариз, ц1иб - аьхюб аьгьювалар туьвб вуйиз. Фикир вуйиз, кьюб - шуббан гьаму зиихь гьибик1у месела текрар гьап1иш, саб читивалра адарди, ухьхьанра, пенсия жвуваз фукьан удубч1вуршу гьисаб ап1узу шулу.

Махмудбег Казимагомедов.

К1ваьлан душнайи абйир - бабар

(Аькьвлин дарс)

Дюнья гизаф уткан ву, утканди ва дишди хьап1уз аьгьгюри. Уьмриь рякьар гизаф алахьуру: ачухьдар, ачуь дарудар, дюзидар, гьац1аркдар, яркьудар, ккурудар, муч1удар, акурдар, бахт айидар, бахтсуьздар - ктухуз хьанара шулу. Инсандан аьхю бахт ву, дюзи рякьую ахьну ва чаз дун'яйини тувнайи вахт дишди гьап1уз гьабшиш. Хайлиндарин фикир ву, чпи абйир - бабарихьан ярхла уьлкийриз душну, девлетну уьлдюгьну гьагьгюрайиан, ужуб бахтан рякьую ача дупну. Аммаки аьгьгюди гьуьзу ккунду, девлет хьади дун'яйилан фуьж1ара дурушуб. Сасдарилан гьайри, гизафна - гизафси, гьаму девлетниин дуснайидариз, чпи к1аьл1урудар вуш ва шилкан гьашидар вуш, ухди к1ваьлан гьагьгюру. Дурарин метлеб - девлет артухь ап1уб ву. Гьич дурариз абйир - бабарихьди гафар ап1уз вахт гьубк1раддар. Хьа му фици шула? Абйир - бабери веледариз вари дун'я тувну, хьа веледарихьан дурарихьди гафар ап1уз, гьар йигьан хьуб минуткан туьвз шуладар. Фикир гьап1ган, кьадарсуз читин ляхин ву. Сар гьудурку мусурман адмийихьди гьамарариз суал туьвз гьитну ккунду. Хьа фу вуйк1ан дупну уьмриь варит1ан аьхю девлет?

Ишцирихьна веледар дап1найи кьаби абйир - бабар, гьадму вари веледар аьхю дап1ну гьирагьариз гьаьну, гьадар гьаши хуларий кьюрна - кьюрди, гьирагьдилан саб кюмерка адарди гьитуб, аьхю вуйи жазийк гьисаб ап1уз шулу. Хьа язухь дарин? Милант1ан аьхю ляхнар а. Саб хайлин веледар дап1найи дадйир, гьадму веледар гьаши ва гьадар арайиз адагьу хуларий сарна - сарди дуланиш шуб. Фукьан аьхюб даринхьа

дададин юк1в! Кьаби духьнайи дадайиз, дун'яйин илмиди вазлик сабанра чакан гьаши веледар дяркьаб...

Фтихь тевуз шулу? Дадайиз тувнайи жаза вуйк1ан, даршиш дугь гьап1у веледариз? Гьамар аий рякьюз фициб ву пуз шулу? Жаваб тувбан бадали, артухь фикир ап1уб герек адар.

Сабсана жорейин, абйир - бабарихьан ярхлади дуланиш шулайидарикан, дурарихьди гафар ап1уз тямьягь хьтру веледар а. Халкьдин арайиь, зурба вуйи чухсагьул пуз шулу, гьуьла, кьаби гьаши абйир - бабар уьрхюри гьуьнайи баяриз. Хьа тмуну чвийри артухь чпин абйир - бабарихьди гафар дарап1бан метлеб, чпиз дурарин пенсияйикан ккадрабхьрайивал ву. Дугьриданра, а гьаддар баар, пул тувшт1ан гафар дарап1рудар.

Аьхю девлеткан гьисаб ву абйир - бабар уьрхюб ва дурар жвуькан гьаран ктарди, кьаби духьну, дун'яйилан чпин аьхиратдин хулаз гауб. Урусатдиь ясана жара уьлкийриь дуланиш шула дупну, дюзи инсанди абйир - бабар к1ваьлан гьаьну ккундар. Дурарихьна ч1ивиди имиди дуьфну ккунду. Дурарихьди дун'яйин илмиди гафар дап1ну ккунду. Эвел вахтариси дарди, гьамус варидарин жибди телефон а. Ихь халкьдиз, урсарин абйир - бабарихьна вуйи адатарихьди гьагьгю аьйиб ву. Гьыйихтан роьгниккна фуьз вушра гьюру. Ч1ивиди имиди абйир - бабар аьгьвдурдиз, дурар гьыйихтан жув халкьдин арайиь уьлбуьз аьйиб ляхин ву. Аьйиб магдадабгьанай, гьюрматлу вуйи ватангьлийир. Жарадариндар уьрхюз шулдарш, ичваркьан уьрхьай.

Махмудбег Казимагомедов.

ПРОГРАММА ПЕРЕДАЧ ХИВСКОГО ТЕЛЕВИДЕНИЯ	
ПОНЕДЕЛЬНИК 11.11.2019	
18-00	Совещание у главы района (6+)
18-30	Концерт по вашим заявкам. (12+)
19-00	Время телесериала. (12+)
19-30	20-30, 21-20 Реклама. (12+)
ВТОРНИК 12.11.2019	
18-00	Райновости (6+)
18-30	Концерт по вашим заявкам. (12+)
19-00	Время телесериала. (12+)
19-30	20-30, 21-20 Реклама. (12+)
СРЕДА 13.11.2019	
18-00	Райновости (6+)
18-30	Концерт по вашим заявкам. (12+)
19-00	Время телесериала. (12+)
19-30	20-30, 21-20 Реклама. (12+)
ЧЕТВЕРГ 14.11.2019	
18-00	"Беседы о религии" Выступление имама района Салихова Ш. (+12)
18-30	Концерт по вашим заявкам. (12+)
19-00	Время телесериала. (12+)
19-30	20-30, 21-20 Реклама. (12+)
ПЯТНИЦА 15.11.2019	
18-00	Райновости (6+)
18-30	Концерт по вашим заявкам. (12+)
19-00	Время телесериала. (12+)
19-30	20-30, 21-20 Реклама. (12+)
СУББОТА 16.11.2019	
18-00	Райновости (6+)
18-30	Концерт по вашим заявкам. (12+)
19-00	Время телесериала. (12+)
19-30	20-30, 21-20 Реклама. (12+)

Погода на неделю														
	11 ноября		12 ноября		13 ноября		14 ноября		15 ноября		16 ноября		17 ноября	
	ночь	день	ночь	день	ночь	день	ночь	день	ночь	день	ночь	день	ночь	день
Облачность														
Осадки														
Атмосферное давление, мм.рт.ст.	684	686	686	688	686	688	687	689	688	690	689	690	686	689
Температура в воздухе, Ц	+8	+18	+7	+17	+6	+14	+5	+10	+4	+7	+4	+8	+1	+10
Влажность воздуха, %	69	72	72	75	70	73	76	79	89	92	85	86	65	68
Ветер м/с	3	3	3	3	3	3	3	3	ЮЗ	ЮЗ	ЮВ	ЮВ	З	З
	6	6	7	7	7	7	7	7	7	7	7	7	6	6

УЧРЕДИТЕЛЬ: администрация муниципального образования «Хивский район». Ответственный за выпуск - Р.К. Балабеков. Главный редактор - А.А. Агададашев.

Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан. Регистрационный номер ПИ №ТУ05-00313 от 12 мая 2015г.

Авторы несут ответственность за достоверность представленных для публикации материалов. Рукописи не рецензируются и возвращаются. Индекс газеты: 51374. Тел: 8-909-483-20-27

Газета набрана и сверстана на компьютерной базе МБУ «Пресс-центр МО «Хивский район» и отпечатана в типографии № 3. г. Дербента Республики Дагестан, ул.С.Курбанова, 25.

Адрес редакции и издателя: 368680, Хивский район, сел. Хив, ул. Советская, 8, МБУ «Пресс-центр МО «Хивский район». Срок подписания в печать - 07.11.2019г.-17:00 ч. Подписано в печать - 07.11.2019г.-13:45 ч. Тираж 415. Заказ №